

آبونه شرائطی

ممالك عثمانیه ده سنه لکى (۶۵)، الق  
آبانم (۳۵۱) غروشدور .

ممالك عثمانیه ده سنه لکى (۶۷)، الق  
آبانم (۹) فرانقدور .

اداره خانه

باب عالی جاده سیده دائره مخصوصه

اضطرابات

آبونه بدلی پشندور .

§

مسلكه موافق آثار مع الممنونیه قبول  
اولنور . درج ابدلن یازیلر اعاده  
اولونماز .

# الشرائط

۱۳۳۰

دینی ، فلسفی ، علمی ، ادبی ، سیاسی هفته لقی مجموعه اسلامیه در .

والله يهدي من يشاء الى صراط مستقيم

صاحب و مدیر مسئول : اشرف اديب

اتبعون اهدكم سبيل الرشاد

عدد ۲۷۵

۱۳ ذی الحجه ۱۳۳۱

پنجشنبه

۳۱ تشرین اول ۱۳۲۹

جلد ۱۱

اضطرابات

رساله مزین آ آمدیغی کوسترملك شرطیله  
بتون یازیلر هر هانکی برقرنه طرفندن  
اقتباس اولونه بیلیر .

§

مکتوبلرک ، امضالرک واضح و اوقوناقلی  
اولمسی و آبونه صبره نومردن محترمی  
بولونمسی لازمدر .

§

ممالك اجنبیه ایچون آبونه اولانلرک  
آدرس لریشک فر انسرجه ده یارلمسی دجا  
اولنور .

§

پاره کوندرلدیکی ، ان نه یه د تراولدیغیک  
واضعا بیلدیلمسی دجا اولنور .

| صرد نومروسی | عنوان                                    | غروش |
|-------------|------------------------------------------|------|
| ۹۱          | مکتب بحریه کاتبارندن رجب بك              | ۵    |
| ۹۲          | » » » شوکت »                             | ۵    |
| ۹۳          | » » ریاضیه معلی توفیق بك                 | ۵    |
| ۹۴          | بحریه ملازملرندن فخری بك                 | ۵    |
| ۹۵          | » » طلعت »                               | ۱۰   |
| ۹۶          | » » علی حیدر »                           | ۱۰   |
| ۹۷          | مکتب بحریه کاتبارندن حسنی بك             | ۵    |
| ۹۸          | » » معلملرندن یوزباشی کاظم بك            | ۱۰   |
| ۹۹          | » » معاونلرندن احسان بك                  | ۵    |
| ۱۰۰         | بحریه ملازملرندن صبی الدین بك            | ۵    |
| ۱۰۱         | مکتب بحریه کتبخانه مأموری تحسین بك       | ۵    |
| ۱۰۲         | » » موتور مأموری یوزباشی حق بك           | ۵    |
| ۱۰۳         | » » جراحی راشد بك                        | ۱۰   |
| ۱۰۴         | » » عقائد معلی حاجی احمد افندی           | ۱۰   |
| ۱۰۵         | دیوان محاسبات اعضا لئندن اسماعیل رفعت بك | ۲۰   |

مسقط اهالیسی اکثریت اعتباریه زنکین در . مسقط سواحلهنده  
دکزلرنده چیقان اینجو و مرجان مسقطیلره سنوی اوج میلیون انگلیز  
لیراسی تأمین ایدر .

#### عمان :

بصره کورفرینک غربنده، جزیره العربک شرقنده کائندر . حدودی  
کویتک جنوبندن مسقط برونته قدر دوام ایدر . مساحه سطحیهسی  
۸۱ بیک میل مربعه در . سواحلی ده ۱۵۰۰ میل قدر در .  
مقدار نفوسی، ویتکر نامنده برانکلیزک تقویمنه کوره، یکر می بش  
بیک قدر کوستریلیورایسده بورقک، مقدار حقیقیسندن بک دون اولدینی  
شبهه سزدر . اکثریت عربلره اولوب عجم ، هندو ، بلوچستانی و سائر  
تجارتله مشغول برچوق اقوامده موجوددر .

#### عمانک تاریخی :

عمانک تاریخی بک قدیمدر . اسلامیتک ظهور وانتشاری زمانلرنده  
اورالرده ازد ، حرت ، کنده ، نهان ، عطفان قبیلهلری کشت و کذار  
ایدیورلردی .

عمان اهالیسی تاریخلرده ، حضرت علی یه اولان فرط محبتلری ،  
صوکرالری ده بونک عکسنه اوله رق شدت غیظ وعداوتلری ایله شهرت  
بولملشدر . عمانیلر ۲۲ سنه هجریه سنده وقوعه کن صفین محاربه سنه  
اشتراک ایله حضرت علی ( رضه ) طرفنی التزام ایتملشدر . فقط حضرت  
علینک معاویه طرفندن بردسیسه سیاسیه اوله رق تکلیف ایدیش اولان  
حکمک ویردیکی حکمه رضا کوستره رک عسکرلرینک مهم برقسمنی تشکیل  
ایدن عمانیلرک رأی خلافتده محاربه دن واز کچمسيله بونلر حضرت  
علی یه طاریلش ، آنک اداره سندن خروج ایتملشدر . فقط معاویه  
طرفنی ده قطعاً طانیماورلردی . بونلر حضرت علی دن آیریلنجه عبدالله  
بن اباض المری نام ذاتی کندیلرینه رئیس انتخاب ایتدیلر . ایشته او وقتدن  
اعتباراً بونلر اباضی ناميله یاد اولنجه باشلادیلر .

بوصورتله مستقل بفرقه اسلامییه اوله رق میدانه چیقمش اولان  
اباضیلر :

« لاحکم فی امر الخلافه الا حکم الله وما یأتی به القضاء »

دیورلردی ، آنکچون امویلره بیعت ایتک خاطرلرندن بیله  
کچمه یوردی .

اموی خلیفه لرینه قارشی آچیش اولدقلری محاربه لرنده کمال ثبات  
وغیرت ایله هجرتک ۱۳۰ سنه لرینه قدر دوام ایتدیلر .

صوکرالری جزیره العربک شرقنه ، حضرموت ، عمان ، تهامه ،  
یمامه ، بحرین طرفلرینه انتشار ایتدیلر . سلطنت ونفوذلری تا آفریقانک  
طرابلس غرب وتونس طرفلرینه قدر امتداد ایتدی .

امویلر منقرض اوله رق عباسیلر دوری باشلانجه اباضیلر کسب  
استقلال ایدرک جند بن مسعود الازدی الیمنی نامنده کی ذاتک ریاستی  
آلتنده اجرای سلطنته باشلادیلر . بوسلطنت کمال استقلال ایله دورت

## حیات اقوام اسلامیه

### مسقط سلطانی

کچلرده بعض غزتلر تلغراف حوادثی صرهمسندده مسقط سلطانی  
سید فیصل حضرتلرینک وفاتی اخبار ایدیورلردی . بزم غزتلرده ،  
بو ذاتک حیاتنه ، ترجمه حالته دائر کوچوک بر مقاله اولسون یازیلدی ؛  
بزبالطبع مطبوعاتر ایچون بونی برلاقیدی تلقی ایده جک دکلز . چونکه  
زده بو کبی ، حتی دها اهمیتلی وقایع نظر التفاته آلماز . مثلاً کندی  
مملکت مزده وفات ایدن بویوکلرک ، بویوکلرک بیله مسجل ترجمه  
حائلرندن ماعداد حیات علمی ، یاخود حیات سیاسیلری ، مسالکلی  
وسائر خطوط ممتازلری حقنده آله آلوده اوقونه حق هیچ بر شی  
یازیله مه یور .

عربجه انتشار ایدن غزتلر ، مجموعه لر هر حالده بزمکیلره نظراً  
دها زیاده متیقظ کی کورینیورلر . عثمانلی وایتختا کابرینک وفاتی مناسبیه  
بعض عربجه غزتلرده مهم مقاله لر کوریلیورکه بونلرده بزمکیلردن زیاده  
فکر تعقیب اولدیغنی کوستریور .

ایشته مسقط سلطانی سید فیصلک وفاتی مناسبیه پروتده منتشر  
« المصور » مجموعه سنده مهم بر مقاله کوردک ، که مآلاً بوجه آتی نقل ایدیورز :

مرحوم سلطان سید فیصل ۱۸۶۴ ده تولد ایدوب ۱۸۸۸ ده  
جالس تحت سلطنت اولمشیدی .

مرحوم آچیق فکرلی برذات ایدی . مملکتده فکر ترقی و معارفک  
انتشارینه بک زیاده غیرت ایدیوردی . آنکچون قریبلره وارنجه یه قدر  
برچوق مکتبلر ، مدرسه لر بنا ایتدیرمشدی .

عالم اسلامده جریان ایدن وقوعاتی تعقیب ایدر ، عالم اسلامده تکیون  
ایدن بوتون تأثراته اشتراک ایلردی .

سلطان فیصلک دوقوز اوغلی اولدینی روایت اولنیورسه ده آوروپا-  
تقویملرینه کبره یالکیز ایکی اوغلی اولوب برینک اسمی السید تیمور،  
دیگرینک اسمی ده السید نادر در . بو کون امام سید فیصلک وفاتی  
اوزرینه مقام امامتی اوغلی سید تیمور اشغال ایتشد .  
سید تیمور فاضل، متدین اولوب مرحوم پدری کی آجیق فکرلی  
ترقی پرور بر ذاتدر . تحصیلنی بومبای دارالفنون اسلامیسنده ا کمال  
ایتشد .

## فکتا نیب

هندستانه مخبر مخصوص صمد در :

مدراسدن سیلان آله سنه

مدراس - تونی کورین :

مدراسده تبعاتنی ا کمال ایدرک، سیلان طوغری حرکت ایتدم . مدراسدن  
سیلان کیتک ایچون یکریم دوت ساعت شمندوفرله، اون ایکی ساعتده واپورله  
یولچلق ایتمک لازمدر .

هندستانک معمود سواحل جنوبیه سندن بریده Tuticorine (تونی کورین)  
قصبه سیدرکه، بورادن واپورده پنیلوب سیلان آله سنه کیدیلیر . مدراس ایله  
توتیکورین آرهنده کی مسافه ۴۷۴ میل اولوب، یکریم دوت ساعتده شمندوفرله  
طی ایدیلیر . مذکور شمندوفر South indian Railuoay هند جنوبی  
قومپانیه سنه منسوبدر . برنجی موقعلرنده بر یولچی انجیق راحت ایده بیلیر .  
ایکینجی موقعی هم طار، همده ال یوز ییقامه مخصوص اولان ثابت لکن  
وموصلق عینی واغونده بولیورکه، تیزلکه رعایت ایدیلیر . فقط مذکور  
تره نیک ایچنده یک صالونی وارددر . یولچیلر چای، قهوه، یک وهر ایستدکلرینی  
کال سهولته خدمه لر واسطه سیله سپارش ایده بیلیرلر . بیه جک وایچه جک شیرلکه ده  
فیاتی فاحش اولوب یک معتدل و تمیزدر . مثلاً بر اوکله طعامی اون ایکی غروش  
مقابلنده نفیس اولق شرطیله تأمین ایدیلیر .

مدراس قصبه سنک ایچنده اوچ شمندوفر استاسیونی وارددرکه، بری بومبای  
ایله هندستان شمندوفرلرینه مخصوص اولوب، دیگر ایکسی سواحل جنوبیه  
آمد شد ایدن تره نلر ایچونددر . بوایکی موقتکده بری دکر وریختم کنشانددر  
واقع اولوب مناقلات تجاریه نیک سهولته اجراسنی تحت تأمین ایتشددر .  
مدراسه تابع اولان قصبه وقریه لک جله می اکین وزراعتله معموردر .  
شمندوفر خطنک هرایی طرفنده واقع اولان تارلالرک جله می مزروع برحاله  
اولوب، زراعتسز برقاریش یره بیله اندز تصادف اولنور . دقیقه باشنده تره نیک  
صاغنده وصولنده واقع اولان کویلر، یولچیلر کندیلرینی مفتخرانه برصورتده  
عرض ایدیورلر . قولوبلر بعض فقیرالحال کویلرده قامیشدن، الیافدن وسائرده  
معمول ایه ده، دیگر سویده - زنکین - بولنان کویلرک قولوبلری عادتاً  
کوزل کاشانه لردن عبارتدر . مدراسدن تونی کورین ساحلنه قدر کوزیمه  
ایلیشان کویلرک یوزده طقسان بشی هندولرله مسکون و آنلر طرفندن زراعت  
ایدیلوردری . هندو کویلرینی انسان یک چاق و قولای تفریق ایده بیلیر . زیرا  
کویک مدخلنده و مخرجنده مطلقاً کوچوک برکتبخانه بولیور . کویلر ذخیره  
وارزاقلرینی کندی اوکوز آرابه لرله شوسه دن سهولته استاسیونه سوق وایصال  
ایدیلورلر .

مدراس - تونی کورین یولچیلنی اثناسنده غایت انجه واوزون coconut  
قوقوا جوزی آغاچلرینه مبدولاً تصادف اولنور . بوندن بشقه هندو چیغیچیلر یک

عصر قدر پایدارا اولدی ایه ده، صوکرالی زمام سلطنت ازدیلرک  
سالاه سندن چیقارق قحطایلرک آینه کچمش بولیوردری .  
صوکرالی ۱۵۰۰ تاریخ میلادیلرینه طوغرو بورالری مشهور  
دوغامانک قومانداسی آلتنده کی پورتکیزیلر طرفندن استیلا ایدیلدی .  
۲۰۰ سنه قدر یعنی ۱۱۲۵ تاریخ هجریلرینه قدر پورتکیزیلرک  
اداره سنده قالدی . پورتکیزیلر اورالرده حکمران اولدقلری مدتیجه  
برجوق آثار میدانه کتیردکلری کی یریلری ده ایچرولره طوغری  
سورمشلردی .

صوکرالی یریلرده بر انتباه حصوله کلکه باشلادی . عربلر  
آراسنده پورتکیزیلر قوغمق حسی اوپاندی . یک آز بر  
زمان طرفنده بو غلیان شدت پیدا ایتمش، آرتق پورتکیزیلر یریلره  
قارشی مقاومت ایده میه جک بر حاله کلشیدی . سیف ابن سلطان بن  
یوسف بن مالک بن یعرب النبهانی القحطانی نامنده قهرمان بر امامک  
اداره وقومانداسی آلتنده اتحاد ایتمش اولان یرلی عربلر، پورتکیزیلر  
مسقط وجوارندن طردایتدکلری کی تجهیز ایله دکلری قوتلی دوغمالرله  
تعقیبه قویولدیلر . زنکبار طرفلری، بوتون شرقی وجنوبی آفریقا  
ومدغسقار آله لری پورتکیزلردن تمامیه تمیزلندی . بوتون بو مملکتلر  
قحطانی اماملرک زیر اداره سنده قالدی . بر مدت صوکرای امامت تکرار  
ازدیلرک الله کچدی : ابن احمد بن سعید بن احمد ابوسعیدالازدی امام  
اولدی . مسقط، بحرین، زنکبار، وسائر بعض بلاد آفریقیه یی زیر اداره سنه  
آلدی .

بر مدت صوکرای بوتون بورالری قوجه هندستان قطعه سیله برابر  
انکلترونک زیر حمایه سنه کیدری . بو کون استقلال داخلیلرینی تمامیه  
محافظه ایتمکه برابر، سائر دولتلر ایله مناسبتده وخارجه قارشی برکونه  
تعهداتده بولمق حقنی حازر دکلدر .

صوک کونلرده یمنی شیخ عبداللهک دین نامنه اوله رق حکومت  
محلیه و انکیزلر علیمنده اداره ایتمکه اولدینی اختلالر سببیه مملکت  
خیلی صارصیلدی . بعض انکیزلرک روایتنه کوره مسقط امامی انکلترونه  
- هند حکومتته مراجعت ایده رک حمایه سنی طلب ایتدی . هندستان  
حکومتی اختلالی باصدیرمق اوزره سفائن حربیه ایله بر مقدار عسکر  
کوندردی .

فقط اصل مسقطیلرک سوزینه باقیلیرسه انکیزلرک بوروایتلری  
طوغری دکلدر . هر نه قدر انکیزلرک تنسیبیه هندستان حکومتی بر  
مقدار سفائن حربیه ایله عسکر کوندردی ایه ده بو بر بهانه دن عبارت  
ایدی . چونکه شیخ عبدالله طرفندن اداره ایدیلکده اولان اختلالر  
او قدر مهم دکلدی . حکومت محلیه بو اختلالری باصدیرمق خصوصنده  
قطعیاً رخاوت کوسترمه یوردی . حتی صوک اختلالر مرحوم سید  
فیصلک اوغلنک زیر اداره سنده کی عسکر طرفندن باصدیریلدی؛ آسایش  
اعاده ایدیلدی .